

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1910450083, 1910452229 որոշումներն անփոփոխ, իսկ դիմումն առանց բավարարման թողնելու մասին

<<20>> 02 2020թ. 4-4-1575

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Կարապետյանս, վերանայելով Կարո Միրզոյանի դիմումի (մտից՝ ՄԴ/2109-20) քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Կարո Միրզոյանն իր դիմումով հայտնել է, որ ճանապարհային ոստիկանության թիվ 1910450083, 1910452229 որոշումներով ամրագրված իրավախախտումները կատարել է ինքը և խնդրել դրանք վերահասցեագրել իրեն:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Նյութերի ուսումնասիրության ընթացքում պարզվել է, որ դիմումատուն չի պահպանել վերոնշյալ իրավանդումով սահմանված պայմանները, չի ներկայացրել պահանջվող փաստաթղթերի պատճենները, հետևաբար դիմումատուի կողմից չեն ներկայացվել բավարար ապացույցներ վերոնշյալ որոշումներով ամրագրված իրավախախտումներն իր կողմից կատարված լինելու վերաբերյալ, ուստի դրանք վերանայման ենթակա չեն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1910450083, 1910452229 որոշումները թողնել անփոփոխ, իսկ դիմումն՝ առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել Կարո Միրզոյանին (հասցեն՝ ք.Երևան, Բելինսկու փ., 10 տուն), վարչական ակտերի հասցեատեր Լիլիթ Հակոբյանին (հասցեն՝ ք.Երևան, Նոր Նորք, 7 ՋՆԳՎ, 52, բն.22) և ՏՄՀԻՎԳՔ բաժին:

Կատարող՝ Վ. Բաթիկյան



Ե. Կարապետյան